

Inatsisartut suleriaasianni § 33 naapertorlugu aalajangiiffigisassatut siunnersuut matumuuna Naalackersuisut saqqummiuppaat:

**Uunga siunnersuut: Kalaallit Nunaanni sullivimmi avatangiisinut inatsisip allanngortinneqarnissaanut inatsisissatut siunnersuutip (Sullivimmi tarnikkut avatangiisit, isumannaatsuuneq aamma peqqinneq pillugit suliffeqarfiup suleqataanera, sulliviit naliliiffigineqartarnerinut piunasaqaatinik sukaterineq, Sullivinnik Nakkutilliisoqarfiup qisuariaateqarnissamut periarfissaanik annertusaaneq, paasissutissanik katersuineq, suliarinninneq aamma ingerlatitseqqiineq, suliffeqarfinnik isumaqatigiissuteqartarnerup ingerlasarnera, pillaatissiissutinik sakkortunerulersitsineq il.il.) Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaat**

(Isumaginninnermut, Suliffeqarnermut Nunamullu Namminermut Naalackersuisoq)

### **Tunngavisaq**

Kalaallit Nunaanni sullivimmi avatangiisit pillugit inatsit 1986-meersuuvoq, 2005-imilu kingullermik annertuumik nutarsarneqarluni. Danmarkimi sullivimmi avatangiisit pillugit inatsit 2005-imiit 25-riarlugu allanngortinneqarpoq.

2019-imi Isumaginninnermut Suliffeqarnermullu Naalackersuisoq kissaateqarpoq, ullutsinnut naleqquttunngortillugu inatsit aqqissuunneqassasoq.

### **Siunnersuummi immikkoortut pingaarnert**

Sullivimmi avatangiisit pillugit inatsit, inatsisaavoq toqqammaviusoq. Inatsit tunngaviusutut inatsisaanera ilaatigut isumaqarpoq, inatsimmi aalajangersakkat amerlasuut pisinnaatitsinermut aalajangersagaasut, suliffeqarnermut ministeri allaffissornikkut suliassaqarfik aalajangersimasoq nalunaarusiornikkut erseqqarinnerusumik malittarisassiorsinnaatillugu. Taamaalilluni aamma aalajangersakkat amerlasuut pineqarput, inatsisissatut siunnersuummi matumani siunnersuutigineqartut.

Sullivimmi avatangiisit pillugit inatsimmi assersuutissaqarpoq, nalunaarutini malittarisassiorortoqarmat danskit malillugit, kisianni tamatumunnga pisinnaatitsinermut tunngavissani pioreersuni Kalaallit Nunaanni sullivimmi avatangiisit pillugit inatsimmi suli erseqqarinnerusinnaagaluartut. Inatsisissatut siunnersuummi matumani tamanna malittarisassiornikkut iluarsiviginiarneqarnera siunertarineqarpoq makkununnga:

### **Ikiueqqaarneq**

Inunnik timikkut tarnikkullu atukkanut ulorianartorsiorititsisumik sulisitsineq

- Kisimiilluni sulineq
- Suliffeqarfiup ilusilersorneqarnera
- Inunntu illersuutinut, immikkullu sullisinut aningaasartuutit.

Tamatuma saniatigut inatsisissatut siunnersuummi allannguutit pingaaruteqartut makkuupput:

Sullivimmi tarnikkut avatangiisit ukkatarineqarnera patajaallisarlugu, inatsisip aalajangersagaani siunertatut erseqqissarneqarnissaa, sullivimmi avatangiisit pillugit timikkut

aamma tarnikkut inatsimmi ilaatinneqartut. Tamatuma saniatigut sulinerup avataani suliffimmut tunngassuteqartumik nakuusertoqarnermut suliffeqarnermut ministeri malittarisassiorsinnaavoq, aamma Sullivinnik Nakkutilliisoqarfik sulisitsisumit akuerineqanngitsumik sulisunik eqimattanik oqaloqateqarnissamut periarfissaqalerluni.

Suliffeqarfimmi isumannaallisaaneq peqqinnissarlu pillugit sulinermi malittarisassanik nutarterineq. Allanguutissatut siunnersuutaapput ilaatigut suliffeqarfiit mikisut isumannaallisaaneq pillugu aaqqissuussiffiunngitsuni suleqatigiinnerup patajaallisarneqarnissaa, aamma suliffeqarfinni isumannaallisaanermut aaqqissuussiffiusuni sullivimmi avatangiisit pillugit sulinermut tunngatillugu eqaannerusumik malittarisassiornissaq.

Inatsisitigut pisussaaffik sullivimmik nalilersuinermit (APV) atatillugu suliffeqarfiup sullivimmi avatangiisit pillugit ajornartorsiutaanik pitsaaliuineq ukkatarineqarnerulissaaq, aamma napparsimaneq pissutigalugu sulinngitsoortarneq isumannaallisaaneq peqqinnissarlu pillugit suleqatigiinnermut ilaatinneqarnissaa pillugu suliffeqarnermut ministerimut malittarisassanik aalajangersaasinnaassasoq, napparsimaneq pissutigalugu sulinngitsoortarnerup appartinniarnera siunertaralugu, ilanngullugu napparsimaneq pissutigalugu sulinngitsoortarnerup APV-mut ilaatinneqarnissaa.

Piumassutsiminnik sulinerit aalajangersimasut suliffeqarfiup isumannaallisaaneq peqqinnissarlu pillugit aaqqissuussaananerani aamma sullivimmi naliliinermit malittarisassani ilaatinneqassanngillat.

Sulisitsisut sanaartorfinni suliaqartitsisut sanaartortitsisorlu suleqatigiinnissaat aamma pisinnaatitsinermit aalajangersakkami suliffeqarnermut ministeri erseqqarinnerusumik malittarisassiorsinnaasoq.

Atortussianut atortunullu tunngatillugu suliffeqarnermut ministeri piumasaqaasiorsinnaasoq.

Sullivinnik Nakkutilliisoqarfiup qisuariarnissamut periarfissaanik annertusineqarnissaanut siunnersuut, ilanngullugu isumaqatigiisummik atsioqatigiinneq.

Sullivinnik Nakkutilliisoqarfik sulianik ingerlatsinissaa siunertaralugu nakkutilliisoqarfik oqartussaniit allaniit paasissutissanik katersisinnaasoq suliaqarsinnaasorlu.

Immikkut nipangiussisussaataaneq pillugu sullivimmi avatangiisit pillugit inatsimmi malittarisassanik annertunerulersitsineq.

Naammagittaalliorsinnaanermut allannguut, taamaalilluni Kalaallit Nunaanni suliffeqarfiit pillugit Sullivinnik Nakkutilliisoqarfiup aalajangiineri pillugit siunissami naammagittaalliutit, suliffeqarnermut ministerimut taarsiullugu, Sullivimmi Avatangiisit pillugit Naammagittaalliortarfimmut apuunneqartassapput.

Kalaallit Nunaanni sullivimmi avatangiisit pillugit inatsimmik unioqquitsinermi akiliisitsinerup qaffasissusaa, 2015-mi 2019-milu pisumi danskit sullivinni avatangiisit pillugit inatsisaatulli qaffanneqassaaq.

Tamatuma saniatigut aalajangersakkat arlaqartut atorunnaarsinneqassapput, suleriaatsikkut atorneqarunnaarneri pissutaalluni.

### **Pisortanut aningaasaqarnikkut allaffissornikkullu kingunerisassai**

Siunnersuut naliliiffigineqarpoq Kalaallit Nunaanni pisortat ingerlatsineranni aningaasaqarnikkut imaluunniit piviusunngortitsinikkut taasariaqartunik kinguneqassanngitsoq.

### **Namminersorlutik inuussutissarsiortunut aningaasaqarnikkut allaffissornikkullu kingunerisassai**

Siunnersuut naliliiffigineqarpoq namminersorlutik inuussutissarsiortunut aningaasaqarnikkut allaffissornikkullu taasariaqartunik kingunerisassanngitsoq.

### **Innuttaasunut aningaasaqarnikkut allaffissornikkullu kingunerisassai**

Siunnersuut naliliiffigineqarpoq innuttaasunut aningaasaqarnikkut allaffissornikkullu taasariaqartunik kingunerisassanngitsoq.

### **Tusarniaaneq**

Danmarkimi Sullivinnik Nakkutilliisoqarfiup siunnersuut kalaallisut danskitullu tamanut ammasumik tusarniaassutigaa, ilanngullugu Sullivinnik Nakkutilliisoqarfiup nunatsinni soqutiginnittunut nassiullugu.

Ilanngullugu siunnersuut Naalakkersuisut tusarniaaffianni tamanut ammasumik saqqummiunneqarpoq 28. februar 2022-imiit 8. april 2022-mut.

Ilanngussaq 3-mi tusarniaanermi allakkiaq innersuussutigineqarpoq, tusarniaanerup ingerlanera annertunerusumik nassuiarneqarluni tusarniaanermilu akissutit suliarineqarlutik.

### **Ilanngussat**

1. Eqikkarnera: Siunnersuut uunga: Kalaallit Nunaanni sullivimmi avatangiisinut inatsisip allanngortinneqarnissaanut inatsisissaq (Sullivimmi tarnikkut avatangiisit, isumannaatsuuneq aamma peqqinneq pillugit suliffeqarfiup suleqataanera, sulliviit naliliiffigineqartarnerinut piumasaqaatinik sukaterineq, Sullivinnik Nakkutilliisoqarfiup qisuariaateqarnissamut periarfissaanik annertusaaneq, paasisutissanik katersuineq, suliarinninneq aamma ingerlatitseqqiineq, suliffeqarfinnik isumaqatigiissuteqartarnerup ingerlasarnera, pillaatissiissutinik sakkortunerulersitsineq il.il.)
2. Siunnersuut uunga: Kalaallit Nunaanni sullivimmi avatangiisinut inatsisip allanngortinneqarnissaanut inatsisissaq (Sullivimmi tarnikkut avatangiisit, isumannaatsuuneq aamma peqqinneq pillugit suliffeqarfiup suleqataanera, sulliviit naliliiffigineqartarnerinut piumasaqaatinik sukaterineq, Sullivinnik Nakkutilliisoqarfiup qisuariaateqarnissamut periarfissaanik annertusaaneq, paasisutissanik katersuineq, suliarinninneq aamma ingerlatitseqqiineq, suliffeqarfinnik isumaqatigiissuteqartarnerup ingerlasarnera, pillaatissiissutinik sakkortunerulersitsineq il.il.)
3. Tusarniaanermi allakkiaq